

pas oiseus que l'anemi ne truisse leu a v' tempter.
Car qui est oiseus de bones ceures. il don. leu a
lame de la tempter. **M**or ce dist saint Jeron. s. fai
dist il touz 1028 aucunes choses aucunes bones ce
ures si que diable te truisse touz 1028 en besoigne.
Car cil qui est oiseus ne se puet longuemēt te
nur quil ne chie en pechie. Dont le profete dist
que ce fust le pechie de sodomie que orgoil e ordine.
e plente. cest a dire quil mengoient e humoiet
ne riens ne fesoient. p quoy il charēt en ce vil pec
che que pas ne fet a nomer. ausi font mout de
genz qui perdent leur tans e lemploient en ua
nitez e en outrages de boures e de mangiers e
de fous ieus. en enfances. en ioluetes en chancē
de haroles e dautres geus. En tels uanitez gassēt
leur tans e por ce chient il legierement en mlt
de oz pechiez e sonēt ou plus denfer. cest au
point de la mort ou il ne prēnent pas garde.
Le setime degre est deuote oreison qui mlt
uaut a uenirre tout pechie e meesmēt pechie
de luxure. Dont saint ambrose dist. oreison est
uns bonf esauz contre touz les dars ardanz du
diable. ⁊ yfodores dist que ce est le remede gtre
tout pechie q de courre a oreison tantost cō la

henu assans le cuer. Car acoustumance de oier esteit
tous les assanz de pechie. Oraison est mout puissans
uers dieu. Car ele est apuee de quatre choses. cō
de quatre pilers. La premiere est droite foi dont
nostres sires dist en leuangle. en quanq vus
demandes en uos oraisons aies bone foi e ferme
creance en dieu e uous aurez ce que v' deman
dez. Saint iake dist que on demande a dieu
ferme foi sanz douter. Car qui doute il est au
si cō le flo de la mer que le vent maine ca e la.
Et por ce cil qui nait coardant e contant ne pē
se riens enuers dieu. ¶ La seconde chose que
doit estre en oraison. est esperance d'auoir ce
que on requiert. Dont le sautier dist. Aiez
bone espance en dieu e il uous fera ce que v'
li demanderez. Et pour ce disoit il ailleurs. sire
aiez mīa de moi. car mon cuer se fie en toi.
Grant espance nous done de lui requerre cil
qui ne disoit mie en pmettant quant il dist
en leuangle. Quiconques demande il prēt
e qui quiert il trueue. e qui boute dieu li
ceure. Cest a entendre. qui demande sage
ment. qui quiert diligamment. e qui bou
te perseueramment. ¶ Quant ces .iij. cho

les sont en lor reson. Sens. Diligance. e pseuance
 dieu lor tantost. Sens. que tu demandes sagement.
 Mout de gent demandent qui ne sont pas oiz.
 car il fourment mauuaise ment lor demande.
 Dont saint iake dist a ceus q ne seuent qil de
 mandent. Vous demandez dist il a dieu souent
 mais uens nenpetrez. aucuns demande trop
 haut plus quil ne lor asiert. cō firent li diu a
 postre saint jehan e saint iake qui demandent
 que li uns deus seist ala destre nostre seign en
 son reume e lautre a la senestre. Il ne deman
 dent pas sagement. aucois sembloit grant pre
 sumption. e p ce leur respondi nostre seigneur
 durement e lor dist. Vous ne sauez ke nous demā
 dez. Donc qui uelt sagement prier dieu. si se gīt
 de presumption. ou quil ne cuide grans choses
 de soi. cōme fesoit li pharisee qui se uantoit en
 son son e despisoit les autres. Mais humble
 ment doit on dieu prier e soi iug deuant di
 eu qui uoit les cuers des genz. e set lor mala
 dies e leur defautes e set que lor est mestier.
 much q eus meismes ne seuent. Pren garde
 a ces pures truans cōment il moustrēt lor
 maladies e lor defautes por auoir la gent a

pute plus uers eul. ausi doit on fere devant dieu
humblement monstrier ses defautes e les pechiez
iloez recorder. p' empetter grace e p'don. Les autres
sont qui ne seuent demander fors choses unnes e
petites qme sont ces biens temporels. Dieu te uelt
plus grantz choses doner. ne te uelt pas toner de
pouir ne de pome com on fet a un enfant. mes
grantz choses uelt que tu li demandes. choses qui te
soient profitables au salu te t'ame. qm la grace
e la gloire. Car q' demande a dieu richesses honours
hautesces ou mort de ses anemis. il enuoie a dieu
mels peres. e por ce ne les ot il pas. Por ce dist
saint augustin. natent pas fet il de dieu por
grantz choses les biens quil tone ausi as mauuais
o as bons. Il uelt dire qon ne doit pas tenir por
grantz choses les biens trespassanz que dieu to
ne ausi e plus entore as mauuais que as bons
e por ce les done dieu as mauuais q' les bons a
praignent a despire ce quil done as mauuais
s'icome dist saint augustin. **E**kant tu pries
donques dieu dit saint ambroise demande qus
choses ce sont celes qui touz iors durent sans
fin nō mie les choses trespassanz. Car cele orei
son ne uient mie iusques a dieu. Pour ce

157
162
nous enseigne nostre bon mestre iesu crist a deman-
der sagement. e nous forme nostre demande quant
il dist. Se vous demandez aucune chose a mon pere
en mon nom il le vous donnera. Et il demande ou non
iesu crist qui demande ce kaptient au salut de sa
me. Car iesu uaut autant que le salut. La quelle
chose devons nous demander il nous enseigne
en l'euangile quant il dist. premierement querez
le regne dieu e sa iustice. e toutes ces choses tem-
porels vous aurez d'auantage. Car sicom on
seut dire. au plus grant besoyn doit on touz
iours courre. Nous auons mestier de .ij. choses
des biens spirituels : e des biens temporels. mes
plus grant mestier auons des spirituels. e p' ce-
les devons nous premierement e principalement
requerre. e dieu les nous donnera e nous fera a
uantage des secons biens. ce sont des temporels.
Ne devons pas fere des secons biens principal-
ment font cil conuoiteus qui ne quierent autre-
ment que celle que leur fant e leur eschape noil-
lent ou non. Mais le reyaume du ciel cest la
vie perdurable devons querre p' merites de bo-
nes oeures. C'est ce que dieu dist. querez pre-
mierement le reyaume dieu e la iustice. cest

faire bones oeures p quoy on puisse uenir a celi re-
aume que ia ne faudra. e qui ensi le quier dieu
li fet auantage des biens temporels. car il les li
done a son usage souffisaumēt. car riens ne faut
a ceus qui dieu aiment e aient sicut dit l'escp-
ture. Mais les conuoteus du monde qui plus ont
e plus lor faut. qui plus a de mauuise e plus li
faut de uande. e qui plus a de uaus plus li faut
garcons e estables. ¶ Et saint ierome dist. que al-
luer faut ce quil a e ce quil na. Or pense dō-
quant tu uoudras dieu proier e demander sage-
ment diligamment cest ententiuement e perse-
ueramment. e il teorra quant mest te sera a
ton pfit e au salu de lame. ¶ La tierce chose que
doit estre en oraison est deuotion de cuer cest ale-
uer le cuer a dieu sanz penser ailleurs. Dont nostre
sire dist quant tu peras dieu entre tes denz cest
a dire dedenz ton cuer. clo luis desus toi. cest a
dire met hors toutes pensees charnelles ordres e mo-
daines e issi prie ton pere du ciel en repost. ¶ Saint
gyprien si dist. que toute pensee charnel e seculere
on doit pteir du cuer qui uelt dieu proier. si q
son cuer ne pense a autre chose q a ce quil doit
prier. ¶ Comēt fait il cuider tu que dieu te ot

quant tu meismes ne te oes pas. Et ysidres dist
lores prions nous ueralement quant nous ne
pensons aillors. Et saint augustin dist quant
mouoir e debatre toute iour les leures: quant
le cuer est tout muet. Tele difference o il a ent
la paille e le grein. entre bien e fleur de former
entre la pel e la beste. tele difference a entre le
son del oreison e la deuotion du cuer. Dieu nest
pas chieure a pestre de fuelles. ausi loreison qui
est couerte de fuelles de paroles sanz deuotion de
cuer ne plect point a dieu. ancois li desplest e li
ne loreille quil nel oie. car il nentent pas tel la
gange. **Q**ui prie dieu sanz deuotion de cuer il
parle a dieu patrouillant. co cil qui parle moitie
englois moitie francois. Il parle a dieu de bonde
mes le cuer parle ou uentre langage qnt il pese
aillors. Dont il te semble que tierx genz qui ensi
prient dieu le gabent. ausi com cil qui uelt ga
ber. i. sourt muet les leures tant solement e
fet semblant de parler. e riens ne dist. **C**a tierx
genz fet dieus la sourde oreille. Mais la priere
qui uient du pfont du cuer cele ot nre sire.
Car sicom dist leuangile. dieu est esperit. e p ce
qui uelt estre oi de dieu. co uient il qil prie

en esprit e en uerite. Dauid nous enseigne a prier
Dieu deuotement ou saintier quant il dist. sire morei
son soit adresee deuant uous ausi que lentes. L'en
cens quant il est sor le feu flaire soef. ausi fet loz oris
quant ele uient du cuer aidant delam de dieu. flai
re mont soef deuant dieu. autrement lozeison ne
tre deuant dieu pout. sele ne uient du cuer. Ausi
27 cō le message qui n'apporte lettres ou qui na l'one co
noissance nentre pas legement deuant le roi. orai
son sanz deuotion est messag' sanz lettres e sanz co
noissance. qui tel messag' enuoie a court. mannan
lement i fait sa besoigne. car sicom on dit cōmu
nemēt. li fol enuoie. fol atent. Qui uelt donq's
uralement dieu proier il doit a dieu crier de par
font cuer o fesoit dauid qui disoit ou saintier. si
re dieu or moreison e ma uoz que ie cie a uous
du pfont du cuer. La fennour dām est le cri du
cuer ce dist saint augustin. cele uoz e cel cri li ple
nō mie noise de poles aotres. Saint gregoire
dist que uraement proier dieu est amers genis
sement de opuccion. cest a dire de doleur e de
repentement de cuer geō a dieu. nō paroles affaite
3 es e poles multiplier. Tel cri chace les larrons ce
sont les diables qui nous gaigent p nous rober

157
164
e pour ce deuons nous souēt crier a dieu quil nous
gairt de ces larrons. ausi deuons nous formēt crier
a dieu quil nous gairt de ceus larrons e du feu de
couoitise e de luxure. quil nous doint lessie de lermes
por estendre tel feu quil neubrase nos cuers. ausi
redevons crier contre les fous de mauvaises pēsees
qui sormontent souent ou cuer: que le cuer ne
perisse par consentement. Por ce croit a dieu da
uid ou sautier qui disoit. sire: sauuez moi du pe
ril des eskes qui est ia entre uikes a mon cuer.
Et les disciples nostre seignoz quant il iurēt la tē
pēste de la mort sor eus crierent. sire: sauuez n.
car nous sumes en peril. ¶ Por ce. iij. choses q
ia ci dites doit on souent crier a dieu que il
nous sauue de ces trois periels. des larrons. des
du feu de couoitise. des foles e des mauvaises pē
sees e des temptacions. ¶ Que dois tu sauoir qe
tous tens e en touz leus poēs tu a dieu prier. mes
especialmēt plus deuotemēt le doit on prier au
moustier au diemenche e as festes qui sont esta
blies pour dieu prier. loer. e honorer. Et por ce
celle on des oeures corporels de la semaine: por
miech entendre a dieu prier. seruir. loer. e hono
rer. Se dieu amanda si estreitemēt garder.

le samedi en la uelle loi que il fist .i. home lapider
deuant tout le pueple por ce quil auoit cueilli .i. poi
de buche au samedi. que fera il de ceus qui font
les grantz pechiez as diemenches e as festes. e
gastent le tens en uanitez en folies. e pis font
as festes quil ne font as autres iours. Certaine
ment il en seront plus puniz e plus dampnez
en lautre siecle. que li iuis ne seront de briser
leur sabat. car le diemenche est plus saint qle
sabat. **C**ausi sont les festes principaus qui sont
establies en sainte eglise por dieu prier e mer
seruir. loer. e honorer. des grantz bontez quil v
a fetes sicō sainte eglise recorde. **E**n tier festes
com a noel sa natiuite cōment il nasqui de la
uerge. a pasques sa resurrection qmēt il resordi
de mort a uie. a lassencion qmēt il semonta
es cels ueant tous ses apostres. a pentecoste
qmēt il enuoya le saint espert sus ses apostres.
Causi sont establies les festes des sanz en sei
te eglise por honorer e p̄ seruir dieu e loer e ses
seinz des miracles quil fist por eus p̄ ofermer
nostre foi. Et p̄ ce deuons nous les festes des sanz
garder e prier quil nous secorent uers nostre
seignoz iesu crist qui tant les honoure en ciel

e en terre. Dont il peche moult griefmēt qui ne
garde les festes. car il fet contre le gmandemēt
de dieu e de sainte eglise. Or es aucuns porroit
dire biau sire on ne puet pas toute iour per
dieu. ne estre au moustier. quel mal est ce se
ie me uoif deduire e iouer. tant com ie me
deduis e ioue. ne pense ie a nul mal. **C**a ce
respondrai ie legierement. car tout le tens
que tu emploies en fous gieux en uanitez
e en besoignes qui ne sont ordenees a dieu
tu le pers. Car tu dois sauoir que tout le tēs
ou tu ne penses a dieu. tu le dois conter p
perdu. ce dit uns saint. cest a entendre qnt
tu ne penses fors a uanite a chose que n'est
ordenee en aucune maniere a dieu. Et ctes
il pert grant chose qui pert son tens ce dist
seneques. car il pert les biens quil deust fe
re en tant de tens. qme il pert es gieux e
en uanitez. e ce n'est pas sanz pechie despe
dre le tens en mauuais usage. Car dieu en
requerra reson au iour du iugement ce dit
saint anseaulme. Et por ce doit on tous iors
bien fere e bien employer le tens en bones o
ures tant com on uit. Car le tens est brief

sicō dit le scripture . ne nus ne set combien il lamra
car nus ne set quant il morra ne quant il trespas
sera. **C**el nekt donques garder les festes sicō il doit
il se doit garder de fere chose q̄ a dieu desplese e a
ses sanz. e employer bien le tens en dieu prier. lo
er. e mercier de ses biens. ou les sarmons e entendre
a toutes bones oeures. **C**ausi quant on moustier
on se doit auoir mout honestement e fere honour
e reuēce a dieu e a ses sanz. car le lieu est saī
e est establi por dieu prier nō mie p̄ iangler por
rire ne pour trusler. Dont nostre sire dit. ma
meson est meson doreison. e por ce ni doit on au
tre chose fere ne dire fors ce por quoi ele est esta
ble ce dist saint augustin. **C**il qui doit uenir
deuant le roi en sa chambre por aucune grace
empetier. se garde mout de dire chose q̄ au roi
desplese. **C**evout se doit plus garder cel qui mēt
au moust qui est la chambre e la meson dieu
de fere e de dire deuant dieu e deuant ses an
gles chose que lor doit desplaire. Dieu ne velt
pas qon face de la meson marthe ne hale.
dont il enchaci ceus qui uendoient e achato
ient ou temple. car il ne velt qon i face esplot
ne noise ne besoigne seculere. ancois velt qon

ientende a dieu prier deuotement e li loer e muer
 de touz ses biens. **¶** Illec doit on rapeler son cuer a
 soi e mettre hors toutes besoignes seculiers mau
 uaises pensees e penser a son creatour e as bones
 bontez que dieu li a fetes. e li fet continuelmes
 recorder ses pechiez e ses defautes e soi humilier
 deuant dieu e requerre pdon e grace de soi garder
 de pechie e perseuance en bone vie iusques en la
 fin. **¶** Illec doiuent les grantz seignors e les grantz
 dames mettre en oubli leur gloire lor pour-elor
 dignete e leur hautesce. e penser quil sont de
 uant lor iuge qui les mettra a selon des biens
 quil leur a fez. des dignetes ou il les a mis. co
 ment il en auront use. e leur rendra selon lor
 deserte. **¶** Por ce se doiuent illec moult humilier
 a dieu nō mie glorifier leur hautesce ne de lor
 bel atour ne de leur beles robes. a lessample du
 roi dauid qui auoit oublie sa dignete quant
 il prioit dieu e se despisoit deuant lui. Je su
 dist il un petit ver nō mie home. e en ce reco
 noissoit il sa patience sa pouerte e sa uelte.
¶ Car ausi o li uer est uer e petis. chose despire
 e n'est tout nu de terre. tout ausi est home nul
 chose de soi. car quant il entre en lessil de cest

monde riens n'apporte ne riens nenporte. tout nus
ientre e tout nus sen va. Dont saint Bernard dist. ke
est hōie fors ord. plain sac de fiens mande as uers.
Il est mout nul. orde semence en sa conception. Un
sac plain de fiens en sa vie. viande as uers en sa
mort. **A**insi les grans dames qui mēent si pa
rees dor. d'argent. de pierres precieuses e de robes
au moustier devant dieu. deuient prendre en
samble a la roine hester qui osta ses precieuses
robes e ses paremens quant ele vint au moustier
prier dieu e soi humilier. e reconouilloit sa pūte
deuant dieu e disoit a dieu. Sire: tu es que ie
ke signe d'orgueil e la gloire des paremens e des
ioiaus quil me couient mettre sus mō chief en
grant abhominacion. Certes ainsi en a dieu
grant abhominacion de celes qui en ces dy. ses se
glorifient e se prent por eus monstrer e plere al
fous. **D**ieu na que fere de tiels paremens en si
moustier. mes de cuer humble e de nette osceā.
Saint pol enseigne trop bien coment les pdes
fammes se doient parer quant eles mēent
au moustier por dieu prier. Il dit queles doiēt
auoir honeste abit e sanz outrage. cest a ente
dre selonc ce que la persone est. Car ce qui est

outrage en une persone: nest pas outrage en autr^e
Plus coment a une wine: quil ne coment a
une borgoise. ou a une simple dame. **E**ns il
enseigne queles soient de simple regart: cest a
dire humbles e uergondouses nō mie effrontees
ne esbauleures a sont les foles fāmes qui nōnt
col estendu a cest en lande: e regardent de trauers
a cheual de pris. **E**ns il ne uelt pas que eles
soient trop curieuses de leur chies parer dor. dar
gent ne de pierres precieuses. e uelt encore que
au moustier queles aient leur chies cōc si que
nul ne soit mal edifiez por eles. e queles ne doig
nent adelson de mal penser a cens qui les uoi
ent. **E**ns eles doivent estre parres sicom il dit
ame preudefammes qui moustrent la bonte
de lor cuers par bones œures. Et pour ce dist. s.
ambroise. que qui uelt estre oz en soraison. il doit
oster de soi tout signe dorgoil. e se doit endiner
a dieu par uraie humilite p^r amouoir dieu a
misericorde. Car sicom il dit. habit orgueilleus
ne impetre riens us dieu. e donc adelson de mal
en ger de celui ou de cele qui le porte. **O**re
les 14. monstre. 14. choses qui doivent estre en ozei
15. **E**oi. **E**sperance. e deuotion. Mais a ce que

180
loraison soit parfitement agreable a dieu e digne
de estre oie. i. comment la quarte chose. cest quele ait. ij.
eles qui la portent deuant dieu. ce. ij. eles sont ieun
ne e aumosne. Dont l'angle dist a tobie. Bone est
loraison quant ele a o soi aumosne e ieune. e sanz
ces. ij. choses oraison ne puet uoler a dieu. mes per
de l'empesche e la retret ariere. **D**ont tu dois sa
uoir ken. ij. manieres est oraison empeschee a dit
plaies. Pour ce q'on ne cesse de mauferre. Et pour ce
q'on ne uelt p'doner son mesfet ne son mau talet.
Car tout ausi q'ne loignement ne uant a la
plaie guarir ne autre remede tant q'le fer est dedez.
ausi ne uant riens ne p'fite l'oraison a celui q' la
dit tant o il soit en pechie mortel. ne tant q' il
a la mauuaistie en son cuer. Et pour ce dist le p
fete. Leuons nos cuers e nos mains a dieu qui
soullieue l'oraison par bones ceures. Et l'apostre
enseigne q'on liene pures mains en oraison. Les
pures mains sont les nettes ceures que sont fa
tes en pure consaence. Car dieu not pas l'o
raison q' uient de consaence pleine d'ordure e
de pechie. Dont il dist p' le profete. quant v'
monteploriez uos oraisons ie nen orrai nule car
uos mains sont toutes sanglentes. ki sont al

qui ont mains sanglentes. Fors ceus qui escorchent
les pures gentz qui sont desouz eus e leur tolet le
leur par force. Il ont leur mains toutes plaines
del sanc des pures. Car il leur tolent lor vie e
leur soustenance par leur couortise p lor raine.
e en font les grantz outrages e manient les mor
siaux sanglens. Dont il paieront dur escot en
l'autre siecle se l'escripture ne ment qui dist que
dieu requerra le sanc des pures de leur mains.
Dont il couient que il rendent ou quil pendent.
Car sicom on dit ou rendre ou pendre. Et p ce
not pas dieu tiels gentz car il ne sont pas digne.
¶ Ki uelt donques estre oi ne meigne pas deuant
dieu espee trette. mains sanglentes ne mains noi
des. C'est a dire en uolente de prechier. Ne entede
de desloiaute. ne uoid de bones oeures. Car ensi
dist nostre seignoz en leuangile. tu ne parras
pas deuant moi mains uoides. ¶ Cil met mais
uoides deuant dieu qui le uient requerre sanz
fere present a dieu de bones oeures. Car a celi
dot il la porte qui le requiert e rien n'aport.
De ce auons ensample en leuangile qui dist
que la porte fu close as folles uerges q'orent
leur lampes uoides e leur dist dieu nescio nos.

cest a dire. ie ne sai qui nous estes. Car dieu ne re-
conoit fors ceus qui leauinent le serment. qui ont
leur lampes pleines de oile. cō oient les sages uer-
ges. cest a dire qui ont leur cœurs plains de pite
e le moustrent par bones œures. Tier genz ot il
e a tier genz œure il sa porte. car il receit uolen-
tiers leur prieres. **O**re di ie donc que oraison
qui est apouee de ceus. iiii. piliers com rau a
uant dit. est mout puissant uers dieu. car
ele empetre de lui legierement tout ce dont on
a mestier soit au cors soit a lame sicō tesmoig-
nent les escriptures. Dont saint iake dist q
mout uant priere de prodome. car ele uant a
garir malades de cors e dames. dont il meis-
mes dist sil est en pechie il seroit pardonez.
Lescripture dist que moyses ueinquit ama-
lec e tout son ost nō mie par bataille mes par
les saintes prieres. Car sicō dist. i. saint.
plus uant. i. saint e puet empriant q mout
de milliers de pechieors encombatant. **O**rai-
son dun prodome pette le ciel qmet ne benit
de les anemis en terre. Une bone uelle qert
plus del ciel en une seule hore en priant que
ne feroient nul cheualiers de terre en log tēs

par leur amies. Et par ce fet il bon requerre les
oraisons des bones genz. e especiaument des co
uens de religion qui sont ensemble por dieu ser
uir e por prier pour leur bien faictors. Car se la
priere dun preudome uaut mout enuies dieu si
com dit les scripture. plus uaut e puet la priere
de plusors bons. Car sicom dist. i. saint. ne poet
estre que la priere de plusors prodes homes ne
soit oie. Les prieres dun couent sont pl' tost
oies del alx. que la priere dun moine seul.
ausi ot dieu plus tost les prieres de ceus qui
sont assemblez por lui seruir. Dont il dist en
leuangile. se. ii. de nous sacordent ensemble
a moi requerre. quanquil requerront mo pere
leur fera

Ore au ie dit les vii. degrez par ont monte
e croist e profite l'arbre de uertu e de chastee.

Ore couient dire des branches de ceste arbre qui
sont vii. selonc vii. estaz de degrez de genz qui
sont en cest monde. Le premier estat est de
ceus qui sont entiers de cors e ont bien garde
leur pucelage. mes toutes uoies ne sont pas li
ez a ce que il ne sont en mariage. En cel estat
doit on garder chastee cest nettete de cuer e de cors.

Dont les enfanz as riches homes doiuent auoir bones
gardes e honestes qui les tiegnent de pres e q̄ soient
diligent a eul bien enseigner e garder de pechie
e de mauuaises compaignies. Car les foles com
paignies honissent souent les enfanz. e leur en
seignent les mauuaus gens. les poles de mau
uaiste. de ribauderie. les foux atouchemenz e les
desonestes en pechie de luxure. aucune fois de
cele luxure qui est contre nature. dont autre fois
auons parle ou traite des uices. e por ce ne co
mient il pas recorder. car tele nature n'est pas
bele. Et por ce doit on les enfanz chastier e bien
enseigner e tenir de pres tant com il sont ioenes
e acoustumer les a tenir les bons enseignemens.
Car sicom dit salomon. kaprent enfant en
sa ioenesce tenir le uelt en sa melleste. Et le fi
losophe dist ce n'est pas por de chose d'acoustumer
bien ou mal en sa ioenesce. Car sicom on dit
q̄ aprent polein endanteure. tenir le uelt tant
com il dure. **C**ele forme cō le souler pret au
gumentemēt il tient tous iors en cel estat. don
ques a chaste mestier de bone garde. car autre
ment ele sera tost perdue. **L**e secont estat
est de cels qui sont corumpuz de cors e ont la